

ALIANSA HO UMANIDADE TOMAK (Gn 22, 1-2. 9. 10-13. 15-18)

G: Tuir modelu “alianza kósmika” nian ho Noé, mai “alianza “pesoál” ne’ebé Maromak halo ho Abraun no ninia bei-oan sira, no husi bei-oan sira ho humanidade tomak. Abraun fiar iha Maromak nia promesa no aseita halo alianza.

L1: Maibé Maromak fó hanoin ba Abraun katak sakrifisiu halo parte ba alianza: oferese Isaac, nia oan-mane, sakrifisiu ne’ebé antisipa ilas Maromak rasik nia oferta aas liu ne’ebé “la karak nia Oan rasik, maibé haraik mai ita hotu”.

L2: Maromak simu Abraun nia obediénsia fiar nian bainhira hasoru provasaun fiar boot liu hodi haraik bensen ba povu hotu rai nian liu husi nia, *lahó eskluzaun ida: “Tan ó halo tuir Ha’u lian, nasaun sira hotu rai nian, sei simu bensen”.*

Knananuk ba espozisaun Santíssimu Sakramentu: Te, al centro del mio cuore

Ho bisogno d’incontrarti nel mio cuore,
di trovare Te, di stare insieme a Te:
unico riferimento del mio andare,
unica ragione Tu, unico sostegno Tu.
Al centro del mio cuore ci sei solo Tu.

*Tutto ruota attorno a Te, i
n funzione di Te
e poi non importa il “come”,
il “dove” e il “se”.*

Anche il cielo gira intorno e non ha pace,
ma c’è un punto fermo, è quella stella là.
La stella polare è fissa ed è la sola,
la stella polare Tu, la stella sicura Tu.
Al centro del mio cuore ci sei solo Tu.

Che Tu splenda sempre al centro del
mio cuore,
il significato allora sarai Tu,
quello che farò sarà soltanto amore.
Unico sostegno Tu, la stella polare Tu.
Al centro del mio cuore ci sei solo Tu.

Adorasaun pesoál iha silénsiu

G: Mai ita invoka Maromak ho S. Francisco de Assis nia liafuan sira: *Oh Maromak iha Leten-Aas bá no Gloríozu, haraik mai ami, sabedoria no dixernimentu atu kumpre ita-nia hakaran loos no santu.*

MAROMAK NIA LIAFUAN - (Gn 22, 1-2. 9. 10-13. 15-18)

Iha loron hirak ne’ebá Maromak koko Abraun, hodi dehan ba nia: «Abraun!». Nia hatán: «Ha’u mak ne’e!». Maromak dehan: «Lori ó oan Isaac, ó oan mane mesak, ne’ebé ó hadomi maka’as, ba iha rai Moriá. Iha ne’ebá ó sei oho hodi hasa’e nia iha foho ne’ebé Ha’u sei hatudu ba ó». Tan ne’e, sira la’o ba fatin ne’ebé Maromak hatudu. Abraun hari’i altár ida iha-ne’ebá, tau ai-maran iha leten. Hafoin, nia losu tudik atu oho nia oan. Maibé Na’i nia Anju bolu husi lalehan: «Abraun, Abraun!». Nia hatán: «Ha’u mak ne’e!». Anju dehan: «Ó keta tau liman ba labarik, keta halo aat nia. Ha’u hatene ona katak, ó hamta’uk Maromak, basá, ó la karak ó oan, ó oan mesak mai Ha’u». Abraun foti matan, haree iha nia kotuk bibi-malae ida, dikur kesi hela iha ai-horis. Nia ba kore bibi ne’e hodi oho, hasa’e iha nia oan nia fatin. Na’i nia Anju bolu tenik husi lalehan, hodi dehan: «Ha’u jura hodi Ha’u naran rasik – Na’i futar
FMA-TIN



lia: tan ó dí'ak hanesan ne'e, la karak ó oan, ó oan mesak, Ha'u sei haraik bensen ba ó; Ha'u sei halo ó-nia oan no bei-oan sira sai wain, hanesan fitun sira iha lalehan, hanesan rai-henek iha tasi ibun; ó-nia bei-oan sira sei hadau funu-baluk sira nia sidade sira hotu. **Tan ó oan no bei-oan sira, tan ó halo tuir Ha'u lian, nasaun hotu iha rai, sei simu bensen».**

Salmo 115

Ref: Ha'u la'o nafatin Na'i Maromak futar oin. (2x)

1. Ha'u hadomi Maromak tan rona ha'u lia no ha'u bolu,
tan hakruuk mai ha'u nia tilun
iha loron ne'ebé ha'u bolu.
2. Dadur metin ha'u mate nia laran,
ha'u susar laran taridu.
Ha'u temi Maromak nia naran,
Jesus mai tulun ha'u ata.
3. Na'i Jesus laran dí'ak no mós,
ita Na'i laran luak.
Na'i Maromak, ema kiik ha'u kole
no ha'u susar Nia fó tulun.

Komentáriu

Pasajen ida-ne'e, hakarak ka lakohi, sai nafatin fatuk-sidi iha ema nia dalan fiar nian. "Oinsá mak Maromak husu buat ida hanesan ne'e?", "Tanba sá nia presiza koko ita?" ne'e mak pergunta sira, ne'ebé mosu iha ita-nia hanoin bainhira lee eh rona istória ne'e.

Maibé... keta karik ita hateke de'it husi sorin ne'ebé laloos? Se ita hanoin didi'ak, ita sempre tau titulu ba pasajen ida-ne'e nu'udar "Sakrifisiu Isaac nian", hodi hanoin katak objetu sakrifisiu nian mak oan ne'ebé Abraun hadomi maka'as. Maibé, oinsá mak Na'i, Maromak ema moris nian, hakarak nia oan ida nia mate? Ita la duvida katak nia hadomi no haraik bensen ba nia oan sira hotu, lahó eskluzaun!

Keta karik sakrifisiu ne'ebé Maromak husu dirije ba Abraun rasik, ba ninia modu hanoin nian, ba buat nee'bé nia kesi an bá, ba ninia konviksaun sira? Keta karik Maromak husu Abraun atu hakribi ninia soin ne'ebé kontráriu ba domin, no rekoñese nafatin katak iha buat hotu Maromak mak foti fatin dahuluk?

Atu domin ba ema seluk la redús de'it ba 'slogan' eh sentimentalizmu, maibé domin loloos ida, konkretu, ne'ebé tradús iha asaun réal dí'ak nian, ita tenke respeita jerarkia ida: hadomi Maromak liu buat hotu, ho fuan tomak, ho klamar tomak no ho kbiit tomak (Dt 6,5).

MAJISTÉRIU PAPA FRANCISCO NIAN

Husi Fratelli Tutti – Leitura pesoál

97. Eziste periferia sira ne'ebé besik ita, iha sidade ida nia sentru, eh iha familia rasik. Iha mós aspetu ida abertura universál domin nian ne'ebé la'ós jeográfiku, maibé ezistensiál. Ne'e mak kapasidade loroloron nian atu haluan ha'u-nia sirkulu, atu to'o ba sira ne'ebé espontaneaente ha'u la sente sira nu'udar parte ha'u-nia mundu interese sira-nian, maski sira besik ha'u. Husi sorin seluk, maun-alin eh biin-feton ida ne'ebé terus, sosiedade abandona eh ignora mak estranjeiru ezistensiál ida, maski moris iha Rain hanesan. Ema ne'e bele sidadaun ida ho nia dokumentu hotu iha orden, maibé ema halo sira sente nu'udar estranjeiru iha rain rasik. **Rasizmu** mak virus ida ne'ebé fasil atu muda no, envezde lakon, nia haksumik an no hafuhu nafatin.

98. Ha'u hakarak fó hanoin «eziladu okultu» sira-ne'e, ne'ebé ema trata nu'udar isin estrañu sosiedade nian. **Ema barak ho defisiénsia** «sente katak sira moris lahodi hola-parte no lahó partisipasaun». Sei iha buat barak «ne'ebé impede sira atu iha benefisiu

husi sidadania nakonu». Objetivu la'ós de'it atu asiste sira, maibé «sira-nia partisipasaun ativa iha comunidade sivil no ekleziál. Ne'e mak dalan ida ezijente no mós hakolen, ne'ebé sei kontribui ba beibeik ba formasaun konxiénsia sira-nian ho kapasidade atu rekoñese ema ida-idak nu'udar pesoa únika no repete-labellek». Ho modu hanesan ha'u hanoin ba **idozu sira**, «ne'ebé, tan motivu defisiénsia, dalabarak ema sente sira hanesan naha-todan ida». Maski nune'e, hotu-hotu bele fó «kontribuisaun singulár ba dí'ak komún liuhusi ninia biografia orijinal». Permitti atu ha'u insiste: presiza «iha aten-brani atu fó lian ba sira ne'ebé hetan diskriminasaun tanba sira-nia kondisaun defisiénsia nian, tanba infelizmente iha Nasaun ruma, ohin loron mós sei difisil atu rekoñese sira nu'udar ema ho dignidade hanesan».

INVOKASAUN:

Bonum est confidere in Domino (Taizé)

Bonum est confidere in Domino

Bonum sperare in Domino

Bo-num est con-fi-de-re, in Do-mi-no, bo-num spe-ra-re in Do-mi-no.
It is good to trust and hope in the Lord; to trust and hope in the Lord.
Gut ist es dem Her-ren zu ver-trau-en, und auf Ihn zu ho-fen.

Hodi Maromak nia naran ne'ebé hakiak “ema” hotu hanesan iha direitu, iha devér no dignidade, no bolu sira atu moris hamutuk nu'udar maun no biin-ain, atu hakonu rai no habelar iha nia valór sira dí'ak nian, karidade nian no dame nian.

Bonum...

Hodi klamar inosente sira nia naran ne'ebé Maromak bandu atu oho, hodi afirma katak sé mak oho ema ida oho humanidade tomak no sé mak salva ema ida salva humanidade tomak.

Bonum...

Hodi ema-kiak sira nia naran, ema mukit sira, ema neseditadu no marginalizadu sira ne'ebé Maromak fó orden atu tulun nu'udar devér ida husu ba ema hotu, ho modu partikulár, ba ema sira ho kbiit no rikusoin.

Bonum...

Hodi oan-kiak, feto-faluk, refujiadu no eziladu sira nia naran, ne'ebé dook husi sira nia uma no rain; hodi vitima sira hotu, funu, persegisaun no injustisa nia naran; hodi ema fraku sira, sira ne'ebé moris iha tá'uk laran, prizioneiru sira funu nian no sira ne'ebé hetan tortura iha parte hotu mundu nian nia naran, laho distinsaun ida.

Bonum...

Hodi povu sira ne'ebé lakon seguransa, dame no konvivénsia komún nia naran, hodi sai vitima ba destruisaun sira no funu.

Bonum...

Hodi fraternidade umana nia naran ne'ebé hakohak ema hotu, halo sai unidade no halo sira sai hanesan.

Borum...

Hodi justisa no mizerikórdia nia naran, fundamentu ba prosperidade no fatuk-inan fiar nian.

Borum...

Hodi ema hotu ho hakaran di'ak nia naran, presente iha sikun hotu rai nian.

Borum...

Hodi Maromak buat hotu ne'e nia naran, ami deklara atu adopta kultura ida diálogu nian nu'udar dalan, kolaborasaun komún nu'udar komportamentu, koñesimentu resíproku nu'udar métodu no kritériu.

Borum...

REZA HAMUTUK PAPA FRANCISCO NIA ORASAUN EKUMÉNICA

Ami Maromak, Trindade domin nian,
husi komuñau forte Ita-nia intimidade divina
hasuli iha ami leet mota domin fraternu nian.
Haraik domin ne'ebé hatudu iha Jezús nia jestu sira,
iha nia familia Nazaré no iha komunidade sarani dahuluk.
Haraik atu ami sarani sira moris Evanjellu
no atu rekoñese Kristu iha ema ida-idak,
atu haree Nia be hedi iha krús iha ema laran-susar tanba
abandonadu
no iha sira ne'ebé ema haluha iha mundu ne'e
no moris hi'as iha maun no biin-alin ida-idak ne'ebé hamriik
hikas.

Mai, Espírito Santu! Hatudu mai ami Ita-nia beleza
naksira iha povu hotu rai nian,
atu deskobre katak ema hotu importante,
katak hotu-hotu nesesáriu, katak sira mak oin lahanesan
umanidade ida mesak ne'ebé Maromak hadomi. Ámen.



Knananuk repozisaun nian: *Ubi caritas* (Taizè)

Ubi caritas et amor, ubi caritas, Deus ibi est.

